

四明叢書

張宗祥



序

陳允平字衡仲一字君衡號西麓祖居仁卽安行先生也諡文懿嘗受知於魏文節公杞生子六輩革疊芾卓阜西麓阜之子也善詩詞與吳夢窗翁處靜齊名生當宋季舉上舍不遇其宦跡所至若餘姚若嚴州其放浪山水閒者以寄居錢塘之日爲多德祐時授沿海制置參議祥興元年約蘇劉義謀復宋聯署者自高衡孫以下三十餘人讎者舉發僅以身免自此杜門不出扁其所居山中樓曰萬疊雲元以人才微至北都不受官放

還有西麓詩稿一卷黃俞邵兩宋羣賢小集刊之日湖
漁唱一卷補遺續補遺一卷詞學叢書刊之朱古微更
依吳伯宛校錄何夢華舊鈔並据江都秦氏本與西麓
繼周集一卷同刊入彊村叢書且作校記西麓詩詞傳
於世者如此而已鄭志所謂蜩鳴稿者未見也夫以少
師之老孫子見全謝山
詠西麓詩世綸堂中之阿咸清敏卓世綸
堂在梅江見
袁陶軒鄭
北雜詩家學淵源其來有自故君故國懸懸胸懷讀
其詩詞既悲其遇一唱三歎其志寓之獨惜李杲堂錄
甬上耆舊詩於三十卷中未見其選袁陶軒編四明詩

萃及樂府始錄之余得四明詩萃三十卷明以後未見董文覺軒編甬上
宋元詩略重錄之吾鄉有西麓其人是亦宋之忠義士
也張炎拜其墓嘗弔以詞矣余彙而刻其詩詞蓋亦崇
其志豈徒重其才哉民國二十七年十月後學張壽鏞

鄞縣志本傳

陳允平字衡仲西麓詩集一字君衡號西麓居仁孫宋元學案

四明詩集誤父阜承奉郎樓鑰撰居仁行狀○案錢志

作居仁從孫蔣傳皆言允平卓弟子也今

據行狀居仁子六輩革畢允平舉上舍不遇宋詩淳祐

芾卓阜則允平當係阜子

三年爲餘姚令紹興府志罷去詩集○案西麓集中有己酉

去職又案西麓集嚴陵郡舍詩有鼓聲漁市放浪山水

近旗影訟庭間之句是允平又嘗官嚴州

宋詩咸淳九年郡守劉黻創書院於慈湖以允平相其

存文及翁慈湖書院記德祐時授沿海制置參議官祥興元年學案

允平因素與王姓有讎遂上變言允平爲書約都統蘇

劉義○案原作蘇都統從學案補其名以九月乘驪下慶元當出兵迎

自高衡孫以下三十餘人皆聯署時張洪範督師南征

命招討使王世強圍捕同官袁洪解之得釋袁楠撰先大夫行述

自此杜門不出蔣傳扁樓曰萬疊雲山中白雲詞注後以人才徵

至北都不受官放還允平善詩詞與吳文英翁元龍齊

名四明詩彙卒後張炎拜其墓弔以詞有歎貞元朝士無多

之句本山中白雲詞

西麓詩彙

宋鄞 陳允平衡仲撰

秦鸞曲

盈盈白玉鈿
裊裊黃金縷
拍拍水晶奩
皎皎珊瑚樹
簾前雙燕飛
門外桃花雨
無處說相思
羞對秦鸞舞

登吳山

登高一展眺
宮樹鬱嵯峨
樓閣春風滿
東南王氣多
青天行日月
大地布山河
柳色沙堤路
時聞響玉珂

明皇按樂圖

日日霓裳宴綵樓三千歌粉侍宸旒月明宮殿雙龍伏
雲擁簫韶九鳳游翠袖半籠金約臂寶釵斜墜玉搔頭
不知舞到弓彎處一拍春風一拍愁

鄂王墓

鄂王墓在棲霞嶺一片忠魂萬古存鏡裏丹心懸日月
劍邊英氣塞乾坤蒼苔雨暗龍蛇壁老樹煙凝虎豹旛
獨倚東風揮客淚不堪回首望中原

賀伯父大資休致

不戀清時白王璫便將身世寄滄浪三朝元老黃樞閣

四海閑人綠野堂
楚楚菁蘭秋帶雨
蕭蕭寒菊晚宜霜
擬成東甬耆英社
賸樂壺天日月長

送中上人遊天台

師作天台去長亭
復短亭焚香參祖塔
振錫動山靈
石罅移菖歎松根
剝茯苓何時白雲下
相與話青冥

寄王尊師

綵雲繚繞七香車
洞裏神仙鍊紫霞
華表鶴歸春寂寂
東風吹盡碧桃花

遷田家

村南啼布穀村北響縑車
隔浦賣魚市傍橋沽酒家
野花朝日暖溪柳背風斜
又過東鄰去東鄰采菊芽

秋暮登太白

飄飄短褐袍倚杖立金鰲
橋東溪流急樹增山勢高
白雲連海嶠黃葉滿亭臯
落月西風惡塵埃兩鬢毛

雪

樓臺萬瓦玉鱗鱗遮盡人間富
與貧可笑世情剛道冷
不知井井是陽春

觀弈象碁

陣勢頻分合機鋒互應酬馬飛關塞月礮落寒天秋不
問知心友翻成敵面仇誰能勞勝負獨立大江流

香奩體

小院薰風滿閒庭白晝長蜻蜓楊柳岸鵝鵝菱荷塘雲
合朱簷卸山高翠閣涼蔓滋青薜荔芽長紫葢薰簾幙
深深地闌干曲曲廊淡煙瑤草細流水碧桃香幡影重
門靜苔痕小篆荒螭盤丹鼎雪龍吸露臺擊琴古翻新
調笙沈艷舊簫雨聲犀角枕月色象牙牀掌上雙鸚鵡
屏間兩鳳凰石函藏寶劍金輪啟瑤箱扇雉團清影

驚試曉妝霞綃衣窄索雲錦佩玎璫鬢攏金蟬轟釵橫
玉燕翔袂飄天水碧裙濺鬱金黃太液簫初遠蓬壺漏
未央流星飛碧落零雨下銀潢去去人千里迢迢天一
方斷腸春洛浦殘夢夜瀟湘

侍謝立齋小酌湖樓

風捲珠簾客珮清杜鵑啼老送春聲水浮亭館花間出
船載笙歌柳外行千里夕陽歸夢遠六橋飛絮馬蹄輕
欄干倚遍莫天闊煙樹一鉤新月生

題李丹壺壁

閑乘海上槎來訪調僊家風逆磬聲短日低旛影斜猿
攀高樹果蜂採半巖花誰在丹臺上三更鍊紫霞

謁烏龍廟

斷碑猶紀唐時事山氣陰沈暗綠苔松木已逾千歲壽
香煙知化幾鑪灰廊深無月鬼神過殿古有雲風雨來
曲曲九溪春水綠子陵灘下復東回

卽事

重重簾幙燕翩翩塵鎖朱樓十四絃榆火漸催寒食節
海棠花畔縛秋千

春詞

楊柳春風三月三
畫橋芳草碧纖纖
雙燕子歸來後
十二紅樓捲繡簾

江南謠

柳絮飛時話別離
梅花開後待郎歸
梅花開後無消息
更待明年柳絮飛

歎鏡詞

憶妾初嫁時
金屋藏窈窕
忽見洛陽人
鸞鏡長安道
明月掌上寒
團團復皎皎
千金買得歸
惜之如重寶
奩開

雙鳳飛帶結青鸞
長當得照妾顏
妾顏正年少如今照
妾顏妾顏羞已老
對鏡羞歎掩鏡徒懊惱
不恨妾顏遲惟恨妾生早
此恨空懸懸天涯
滿芳草君不見長江逝水無逆流
歲去年來多白頭

登招寶山

宇宙初開闢何神立此山中
流天柱石大地海門開浪
惡蛟龍怒雲深虎豹閑
潮期與日月千古一循環

秋夜遊東墅

雲壓高空雁陣低
江城歷歷草離離
樓臺秋淡玉簫遺

簾幙夜寒銅漏遲明月驚鷺衰葉浦西風蟋蟀豆花
一樽酒盡銀河落猶有殘鐘出古祠

春遊曲

長安二月東風裏千紅陌上香塵起都人懽呼去踏青
馬如游龍車如水兩兩三三爭買花青樓酒旗三百家
長安酒賁人未醉岸頭芳草日半斜誰家女子嬌似玉
約莫青春十五六鬱金羅帶蘇合香琵琶自度相思曲
相思曲聲斷續斷續回文不堪讀回文斷續有續時離
腸寸斷無續期

春闌怨

妾家住在湘江曲門枕湘江春水綠年年長是暮春時
兩岸垂楊啼布穀自君話別湘江頭獨上層樓彈箜篌
蛾眉不掃遠山碧滿堤芳草春正愁舉頭不見君但見
湘江雲江雲散復聚妾心空如熏舉頭不見君但見湘
江水江水去復回妾顏爲誰美湘江雲湘江水雲水悠
悠何日已舉頭望君君未歸門前楊柳空依依

野人家

遠江生杜若滿地長辛夷翳草塗新壁褰藤縛舊籬瓦